

雜事

志乘之作各從其類輯爲成書其有不能爲類而仍爲蒐討所必
及載筆者於是有雜記之篇考之經史大易終說於繫辭小戴名
篇於記禮西京軼事西陽綴餘類皆然矣舊志無之因而妄增門
類豈知兩邑祥沴未足備五行拾遺篇帙難以該二氏而陵墓之
屬列諸禋祀則爲濫附於輿地益非經惟以雜事綜其名而隸以
祥異陵墓寺觀方外數端之無可附麗者更終之以摭遺一冊可
知石言鵠退志警陽秋碣表牛眠稽銘往昔尤見網羅刪訂匪有
畸零之遺文物聲明不輟緇黃之侶不賢識小於是詳焉志雜事

祥異

晉書孝武帝本紀甯康二年晉陵大水

宋書五行志太康七年十二月己亥毘陵雷電永嘉五年蠃鼠出

延陵郭璞筮之曰此郡東之縣當有妖人欲稱制者亦尋自死矣

其後吳興徐馥作亂殺太守袁琇馥亦時滅是其應也建武元年

七月曲阿門牛生犢一體兩頭太興三年四月庚寅晉陵地震四

年吳郡民訛言有大蠱在紵中及樗樹上嚙人卽死晉陵民又言

曰見一老女子居市被髮從肆人乞飲自言天帝令我從水門出

而我誤由蟲門若還天帝必殺我如何於是百姓共相恐動云死

年五月癸亥曲阿有柳樹枯倒六載是日忽聞起生建元元年七月庚申晉陵災風太和六年六月晉陵大水稻稼蕩沒黎庶饑饉又符瑞志建興二年十二月晉陵武進人陳龍在田中得銅鐸五枚太興三年有白鹿見晉陵

舊志升平二年晉陵等五郡大水義熙元年晉陵薛願家有虹飲其釜水須臾而竭願以酒益之隨投隨竭吐金滿釜而去

宋

宋書五行志元嘉二十九年晉陵送牛角生右脇長八尺大明七年春太湖邊忽多鼠夏大水至悉變成鯉魚民人一日取轉得三

五十斛明年大饑元徽四年晉陵有霹靂車墮地如青石草木燋死又符瑞志元嘉十九年十月白鳥產晉陵二十四年八月乙巳嘉禾生魚城內白鳥見晉陵二十五年四月戊辰木連理生晉陵孝建三年四月甲辰晉陵延陵得古鐘六口大明元年黑龍見於武進占石村改名津里六年二月乙丑木連理生晉陵泰始三年十一月庚申甘露降晉陵昇明二年十一月甘露降南東海武進齊書祥瑞志泰始末武進舊塋有獸見羊頭龍翼馬足父老咸見莫之識也

舊志元嘉七年十二月晉陵大水大明四年龍見於彭山大水

齊

齊書五行志建武二年冬晉陵大雨傷稼又祥瑞志永明八年四月延陵澤畔獲毫龜一枚十年蘭陵民齊伯生於六合山獲金鈕璽文曰年子玉

舊志建武元年晉陵大稔

梁

梁書武帝本紀普通五年六月乙酉龍鬪於曲阿王陂因西行至建陵城所經之處樹木倒折開地數十丈中大同元年正月丁未曲阿縣建陵燧口石麒麟動有大蛇鬪隧中其一被傷奔走

隋書五行志大同十年夏有龍夜因雷而墮延陵人家井中明早

視之大如驢將以戟刺之俄及庭中及室中皆有大蛇如數百斛
船家人奔走十二年正月送辟邪二於建陵左雙角者至陵所右
獨角者將引於車上振躍者三車兩轅俱折因換車未至陵二里
又躍者三每一振則車側人莫不聳奮去地三四尺車輪陷入土
三寸

舊志天監元年四月鳳凰集南蘭陵大同十年三月武帝幸南蘭
陵謁建陵有紫雲護陵上頃乃散旁有枯泉至是復湧

陳

舊志太建四年江水赤如血十二年亢旱來歲秋貞明中江水赤

白方川東至海

唐書憲宗本紀元和十一年常州大水太和七年十月常州水害稼又五行志永徽元年六月常州大雨水溺死者數百人延載元年四月壬戌常州地震大足元年七月乙亥常州地震元和元年常州鵲集於平地

舊志貞觀十年巨人跡見大曆八年十月甘露降郡庭長慶四年常州水害稼

五代

南唐書昇元六年六月常州大雨漲溢

宋

宋史五符志太平興國二年常州民謝祚妻產三男七年四月常州水害稼端拱二年常州卒徐流妻產三男淳化二年晉陵縣民黃釗妻產三男咸平元年毘陵縣民魏吉妻產三男二年九月常州地震壞鼓角樓羅務軍民廬舍甚衆大中祥符四年常州甘露降五年閏十月常州芝草生熙寧七年常州饑八年大旱政和五年八月常州水災紹興元年淮南京東西民流常州者多殍死二年常州大旱五年浙西自去冬不雨至於夏常州大旱八月常州水十九年常州旱二十八年九月浙西沿海郡縣大風水常州爲甚隆興二年常州饑七月大水浸城郭壞廬舍圩田軍壘操舟行市者累日人溺死甚衆越月積陰苦雨水患益甚乾道元年二月

常州寒敗首種損蠶麥大饑殍徙者不可勝計六月常州水壞田
田淳熙二年秋常州旱艱食三年水澇五年旱七年常州大旱八
年常州旱十四年常州旱十六年七月晉陵縣民析薪中有文曰
紹熙五年者二紹熙五年冬常州饑人食草木慶元元年常州饑
民之死徙者眾六年五月常州大旱水竭冬大饑嘉泰元年常州
饑二年常州旱大蝗自丹陽入武進若煙霧蔽天其墮亘十餘里
常之三縣捕八千餘石嘉定二年夏常州大旱秋大歉十一年常
州旱十六年常州水漂民廬舍害稼壞城郭堤防溺者甚眾
江南通志淳祐二年常州大水

舊志治平元年毘陵日晡天有聲如雷震一星如月出東南再震

移西南三震星隕熙寧七年太湖涸見墳墓街市紹興元年枯桔
生穗大疫二十八年郡廨梅忽粲異花紫心碧暈時以爲瑞嘉定
七年大蝗十一年蔬木皆枯

元

元史成宗本紀元貞元年五月常州路水二年六月常州蝗大德
元年十一月常州路旱五年常州蝗九年饑又泰定帝本紀泰
定四年四月常州路饑五月常州大雨雹又文宗本紀天曆三
年四月常州路饑又甯宗本紀至順三年九月常州路大水
又順帝本紀元統二年三月庚子常州大旱疾疫又五行志至
元二十四年十二月常州饑二十九年六月常州路水元貞二年

水大德四年九月常州路饑奉定元年地震至順元年七月常少
水沒民田甲旱獻十甲旱天順四年水十甲大水順四年六月
舊志至大元年旱蝗民食草根樹皮盡大水順縣旱樹木皆枯
明水十年十一月風災五縣正平旱豐泰四年縣旱牛多死大水

明史神宗本紀萬曆元年天開三年夏大水又五行志洪武四
年旱八年十二月水正統四年大風拔木殺稼八月水溺死男婦
甚衆八年夏旱秋饑宏治七年七月潮溢平地水五尺沿江者一
丈民多溺死八年四月乙亥雨雹深五寸殺麥及菜十八年九月
甲午地震正德四年饑五年十一月水七年旱十二月大雨殺麥
夏大水十三年大雨彌月漂室廬人畜無算嘉靖二年八月大水

萬曆三年九月水二十一年雹災七月大水四十四年七月有土鼠千萬成羣夜啣尾渡江絡繹不絕一月方止

舊志洪武二十年旱河竭六月丁未戊申大雨水傷稼二十五年旱二十九年夏大旱水竭禾槁建文三年地震蝗四年地震蝗永樂三年大水米貴宣德四年旱民饑六年六月訛言有物食人人心惴恐未昏鍵戶明火擊器終夕震驚逾月漸息九年旱民饑秋大水十年七月風災正統五年旱景泰四年秋大旱十二月大雪水冰五年正月大雪平地深三尺五月大水傷稼秋旱樹木皆枯民大饑六年旱蝗七年旱天順四年水七年大水成化四年六月旱六年三月壬午蠱著人鬚眉皆黃八年七月壬子風災十年疾

風雷電有物起自瀾湖入太湖至馬蹟山壞民居百餘區屋木倒
植瓦礫俱毀巨舟擱於山麓大木盡拔十五年五月乙丑地震有
聲生白毛尺許九月又震十七年春夏旱八月十五日蝗自北而
來食草木幾盡是日大雨如注漂沒民居人多溺死是歲大稔民
饑十八年九月十二日地震十九年正月朔大雪冰如花二十年
訛言有物乘夜入隙攪人民聞皆明火執挺擊金鼓爲衛_國治五
年水十四年十月十七日地震十六年夏秋旱十七年地震正德
元年三月十二日雷電雨雹平地水二尺餘是歲旱十二月晦龍
見二年九月地震三年旱六月春夏疫七年府治後圃瓜一蒂二
實八月大風傷禾稼八年十二月太湖冰堅迎春鄉自古竹渡至

蒲溪港十餘里湖冰成人物狀人行冰上七日始解十年大水十四年地震有聲如雷十五年九月大水嘉靖元年七月二日五日風災大水二年正月辛巳地震夏旱湖涸三年蝗蟲傷稼十月有黑白龍鬪於太湖之濱湖水皆赤四年大水蟲傷稼五年旱七年旱蝗十月地震八年六月蝗秋大水十一年蝗食禾苗草木殆盡十四年旱十五年大旱十六年大水二十年夏旱秋大水二十二年秋旱湖涸成圻二十三年四月雨雪秋大旱二十四年大旱蝗二十五年旱二十八年大水二十九年旱三十一年雨黑豆三十二年雨赤豆地生白毛三十三年大旱湖絕流人行如市六月雨雹大如拳三十六年大水訛言有妖過江三十八年大旱四十

年雨雹大如瓦水深及丈七月地震四十一年大疫夏湖溢迎
春鄉東村濤發洪水勢高二三丈漂石拔木堰田盡沒四十四年
春大雪木介六月風大水隆慶元年八月朔大風發屋拔木六晝
夜洪水暴漲禾盡偃六年邑民常氏產白鵠喙足色紅萬曆六年
蟲灾八年大水九年七月大水民饑十一年大水十二年迎春鄉
麥兩歧十五年七月丁未颶風驟雨數月不息洪水暴漲漂民廬
舍十六年大旱疫是歲馬蹟山有虎爲患十七年大旱漏湖運河
俱涸十八年夏五月雹傷麥六月旱十九年恒雨傷稼二十二年
蟲灾二十三年大水二十四年大水二十七年春恒雨無麥二十
九年春恒雨無麥三十年麥無穫民饑三十一年三月烈風雨雹

害麥民饑九月雹傷稼三十五年七月蟲食禾八月布穀鳴十二月立春日地震三十六年雷雨自三月二十九日至五月二十四日時迎春鄉發兩蛟大雨平地水溢田禾盡沒四十二年四月八日訛言兵至千里之內同時洶洶奔竄山谷數日乃定時謂之陰兵亂云四十四年正月四日大雪雪中見大人跡長尺有咫從東郊上城或下平地或登人屋接踵西行懸步四尺許七月蝗四十五年蝗不爲災天啟三年十二月地震有聲壞屋湖水皆飛四年夏大水麥禾盡沒六年四月八日天鼓鳴大旱八月朔風災七年八月蟹蟲傷稼崇禎三年春旱六年六月風災是日驟雨傾注屋瓦逢飛人畜死傷無算鐘樓傾鐘陷八地五十七年四月壬戌雨

霍傷稼八年春水夏旱十一年四月風災六月旱八月蝗雨粟十
二年五月旱蝗十三年夏旱李生瓜秋蝗大饑十四年旱蝗疫雨
豆十五年河涸大疫三月水赤如血六月稻生蠖十六年十二月
地震十七年大旱

國朝

舊志順治五年春正月譙樓火八年夏四月大水馬蹟陳灣百瀆
諸山發蛟七十三穴拔木走石九年春正月口口朔雷電大雨夏
大旱十二年春正月七日地震大水十四年夏六月訛言妖人剪
紙爲禽獸穴隙食人十五年夏五月二十三日地震二十七日疾
風拔木大霖雨饑民食觀音粉康熙四年秋七月三日西北風大